

**ATORAN SAMBAYANG AKAN ANDAU MINGGU BAHASA DAYAK NGAJU
MINGGU, 9 JULI 2023**

1. PERSIAPAN / INTROITUS

- a. Doa Konsistori
- b. Berita Jemaat
- c. **Ungkup mendeng** tuntang manyanyi bara **Nyanyin Ungkup No. 114 : 1 - 3 "TUHAN HATALLANGKU, IJE INARAKU"**
- d. Presbiter

2. VOTUM TUNTANG AUH TABE (P)

"Pandohop itah huang aran Tuhan, ije jari manjapa langit tuntang petak, ije jari mahaga janjiie sampai katatahie, ije dia maku manalua kare tampan lenge"

"Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus" Amen. *(ungkup munduk)*

- 3. MANGAKU DOSA (L)** Keleh itah mamparandah arep itah into taharep Hatalla, Tuhan itah, hayak mangaku dosan itah : "Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei". Amen. *(ungkup mendeng)*

4. BARITA ASI SINTAN HATALLA (P)

Kilau rewar Yesus Kristus, ikei mambarita dengan gagenep olah ije jari mangaku dosae into taharep Hatalla dengan kabujur ateie. Hatalla hamauh : "Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau" (Jesaja 44 : 22) *(ungkup munduk)*

5. UNGKUP MANYANYI bara **Nyanyin Ungkup No. 158 : 1-2 "DOHOP IKEI, O HATALLA"**

- 6. MAMBASA AUH HATALLA**, Keleh itah mahining auh Hatalla ije tarasurat huang Surat Barasih, iete bara Janji ije sulake iete bara Surat **ZAKHARIA** bagi **9** baris **9** sampai **17** ije kalotoh auhe :

Radja kasanang te hung Sion

9 Handjak rantang o Sion, anak bawi, lahap o Jerusalem! Ite, radjam atun dumah tangguh ikau, ie tetek tuntang mandinu kamanang; ie randah ateie, mukung kalidai, kalidai tabela, anak kalidai bawi te. ¹⁰ Aku manganan kare kareta parang bara Ephraim, tinai kare hadjaran bara Jerusalem; kare panah parang kareh lumus. Ie mansuman kasanang akan kare utus uluh; maka karadjaan aie bara tasik palus tasik, bara batangdanum Euprat te sampai saran petak. ¹¹ Tinai awi dahan djandjim, o Sion, aku handak maliwus kare barism idje tawanan bara luwang te idje djatun bara danum. ¹² Buli ketun tinai, o ketun idje tawanan tuntang magun harap; andau tuh kea aku mansuman akan ketun, salipet aku handak manyulang akan ketun. ¹³ Karena aku mangancang Juda akangku kilau panah, tuntang manyuang Ephraim. Panakam, o Sion, handak imbitku mawi panakam, o Jawan; aku handak mawi ikau manjadi kilau padang pangkalima. ¹⁴ Tuhan kareh mamala tambuan uluh te, tuntang anak panah kareh lekas kilau kilat; tinai Tuhan, Hatalla, kareh mampahiau sarunai, balalu ie kareh manalih huang kare riwut idje paham te intu tanah hila salatan.

¹⁵ Tuhan, Tempun kare kawan taluh belum, kareh manalawang uluh aie. Ewen kareh kuman tuntang mampijak kare batu ije imanting, ewen kareh mihup tuntang lalentu kilau awi anggur, tinai ie kareh basuang kilau sangkir parapah, kilau puting mesbah te. ¹⁶ Tuhan, Hatalla, kareh manenga kamanang akae intu andau te, basa ewen kawan uluh aie, karena ewen te intan intu makota, idje haginging hunjun tanah. ¹⁷ Karana lalehan kare kahalap, lalehan kabungas! Gandum kareh mamparigas pambujang idje hatue, tinai anggur pambujang idje bawi.

Sampai hete auh Hatalla ije imbasa akan itah katika toh : *“Salamat oloh te, ije mahining auh Hatalla tuntang mahagae jete huang pambelome”*. (Lukas 11 : 28)

7. MANGAKU KAPARCAYA (L)

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyame kalotoh :

“Aku parcaya huang Hatalla, Bapa ije jaton tikas kuasae, ije jari manjapa langit tuntang petak. Aku parcaya huang Yesus Kristus, Anak Hatalla ije tunggal, tempon itah.

Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jaton tikas kuasae. Bara hete le kareh haluli uka mariksa tuntang mamalah oloh belom, oloh matei, tumon gawie.

Aku parcaya huang Roh Barasih. Aku parcaya aton ije jalahan ain Kristus ije barasih, iete kare ungup oloh barasih ije ihanjean Roh;

Aku parcaya ampun dosa, kamisik bereng oloh matei, tuntang pambelom ije katatahie”.

$\overline{5} \overline{5} | \overline{6} \overline{5}' \overline{1} \overline{1} | \overline{2} \overline{1}' \overline{4} \overline{4} | \overline{3} \overline{2} \overline{1} \overline{2} | \overline{1} . \parallel$ (ungkup munduk)
Hale-lu-ya, Hale-luya, Hale - lu - - ya !

8. UNGKUP MANYANYI bara **Nyanyin Ungkup No. 255 : 1 - 2 “KAHANJAK DAN KASANANG TE”**

9. MAMBARITA AUH HATALLA (P)

a. Mambasa nast tumon je inukas huang Almanak GKE : **Ewangelion, inyurat MATIUS** bagi **11** baris **16** sampai **19**

Jesus manyaksi akan Johannes Pampandui

11 ¹⁶ Tapi dengan eweh aku akan mananding pangereng uluh tuh ? Ewen kilau anak uluh, idje munduk intu eka pakan tuntang hatantehau dengan kula. ¹⁷ sambil hamauh: Ikei djari manyuling akan ketun, tapi ketun jatun maku babigal; ikei djari manatum, tapi ketun jatun maku manangis. ¹⁸ Karana Johannes djari dumah, ie jatun umba kuman, jatun umba mihup, te kuan uluh: Ie ingumpang dewa. ¹⁹ Anakulun djari dumah, ie kuman mihup, te kuan uluh: Te ie, idje panguman, pamihup, sobat uluh pabean tuntang uluh badosa! Tapi kapintar impahalap awi kare gawie.

b. Lakudoa pandak

c. Mambarita Auh Hatalla

d. **Balaku Doa Safaat,**

inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK. TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMIN.

10. **MALUPUT PARAPAH (L)**

Toh aton katika akan itah manyarah parapah.

Dan huang sembayang Minggu ka-due (2) tuh, tege tambahan kotak maju ka baun, akan mandohop keuangan Majelis Resort GKE Kuala Kapuas.

a. Keleh toh itah mahining bara II Korintus 9 bagi 6 sampai 7, ije hamauh :
"Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujuan, karena oloh ije rajin manenga, ingilak Hatalla".

b. BALAKUDOA : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.

c. **UNGKUP MANYANYI** bara **Nyanyin Ungkup No. 200 : 1 - dst "AMON HUNJUN TASIK AIN PAMBELOM"**

(ungkup mendeng)

11. **BERKAT TUHAN (P)** Keleh toh buli dengan kasanang tuntang tarima Berkat Tuhan :

"Keleh Tuhan mamberkat keton, tuntang mangalindong keton.

Keleh Tuhan manyangkowong baue tambuan kenton tuntang masi keton.

Keleh Tuhan manyangkowong baue hunjun keton, hayak manenga kasanang akan keton"
(Numeri 6 : 24 - 25)

1 . 2 3 | 4 . 3 . ' | 2 . 1 . ' | 4 . 2 . | 1 . . . ||
A - - - - - min a - min a - - min.

SALAMAT ANDAU MINGGU.. HATALLA MAMPAHAYAK ITAH SAMANDIAI

NU 114. TUHAN, HATALLANGKU IJE INARAKU.

A = 1 3/4 Lago: L.N. No.146.

1 1 2 | 7 . 1 2 | 3 3 4 | 3 . 2 1 |
Tu han Ha tal lang ku i je i na ra ku

2 1 7 | 1 . 0 || 5 5 5 | 5 . 4 3 |
Ra jan ka hai! O loh sa man di ai,

4 4 4 | 4 . 3 2 | 3 4 3 2 1 | 3 . 4
has ta ra mam pa hai Tu han Ha tal lang

5 | 6 4 3 2 | 1 . . ||
ku, tem pon ka hai!

2. Krana paham kahai sintae dan asi aie, kutoh kataue.
Ie nampayah wei taloh injapae te
tuntang mamberkat toh taloh samai.

3. Aku manyembah toh, Tuhan, Hatallangku, je pangkahai.
Handak manumon wei prentah je brasih te
tenga toh akangku kuasan Roh aim.

D = 1

NU 158. DOHOP IKEI, O HATALLA.

4/4

Lago: Akam Yesus, kare tara.

L.N.No. 1.

1 3 5 5 | 5 5 6 . | 5 ' 5 i 7 |
 Do hop i kei o Ha tal la, ma hining
 Je te to to a re gu nae, kan ka re

i 3 2 i | 2 . 5 ' 5 | i 5 6 3 |
 ha yak ma na ri ma auh, a yum i je
 o loh, i je pu na i ru sak a wi

4 2 | 1 ' . : || 2 1 5 | 5 4 3 2 | 1 .
 brasih te. Ka ri nah a sim wei,
 do sa te.

5 | 5 4 3 2 | 1 . ' 2 3 | 4 . 3 ' 5 |
 kan i kei je mang gau tuntang bla ku. Hung

6 7 i ' i | 3 2 i ' 5 | i 5 6 3 | 4 2 1 . ||
 sintam te je toto hai, tam payah ikei handiai!

2. Soho auh aim te imbrita
 hong hetoh dan hong kare eka,
 yoh marak oloh handiai,
 ije toh harajur kejau,
 je magon hindai jari sondau
 hung aram slamat katatai.
 O plawa ateie toh!
 Dan ajar awi Roh ije brasih
 kakare te je sampai toh
 harajur hung kakaput wei.

F = 1

2/4

NU 255. KAHANJAK DAN KASANANG TE.

5 | 5 . 4 3 3 | 3 4 3 2 1 5 | 1 7 6
 Ka han jak dan ka sa nang te i ne nga
 5 3 | 2 3 4 5 3 3 | 2 . 5 7 6 5 4 |
 Tu han Ye sus wei kan o loh je per
 6 5 5 | 4 . 3 2 2 | 5 6 5 4 3 5 |
 ca ya; je to to be lom pa kat wei dan
 4 . 3 2 2 | 5 6 5 4 3 ' 3 4 | 5 3 4
 ha rap Ju ru sla mat te ha ra jur
 5 3 4 | 5 3 5 | i . 6 5 4 3 2 | 2 1 ||
 pa lus da pit, ha ra jur pa lus da pit.

2. Toh keleh itah handiai
 manumon kare prentah aie,
 je tinduh tuntang brasih;
 dan belom akan Tuhan te,
 nakara itah hanjak wei
 hong sinta ije toto,
 hong sinta ije toto.

3. Dan amon dapit itah toh
 malihi klunen, mangat tau
 hasupa tinai kanih,
 te itah slamat haliai
 manara Tuhan pangkahai
 hong lewu aie je brasih,
 hong lewu aie je brasih.

Es = 1

NU 200. AMON HUNJUN TASIK AIN PAMBELOM

4/4

Lago: Als op's levens zee de stormwind om u loeit. Zangbundel No. 246.

3 3 3 4 | 5 5 5 3 | 4 . 3 . | 4 . . .
 A mon hun jun ta sik ain pam be lom toh,
 2 3 4 5 | 7 6 5 4 | 3 . 4 . | 5 . . .
 ri wut ba rat ha ka li ling ma roh wei.
 3 3 3 4 | 5 5 5 3 | 4 . 3 . | 4 . . .
 I ngat ka re sin tan Tu han de ngam toh,
 2 3 4 5 | 7 6 5 4 | 3 . 2 . | 1 . . .
 tan tu i kau he ran ma na hi u te.

Koor :

5 . . 5 | i 5 5 3 | 4 . 3 . | 4 . . .
 I tong toh pa ngu lih a yum te,
 4 . . 4 | 7 6 5 4 | 3 . 4 . | 5 . . .
 se wut je te mi je mi je wei.
 i . . i | 7 6 0 0 | 7 7 7 6 | 5 . . .
 Pa lus son daum ku toh ber kat hai
 1 i 7 i | 7 6 5 4 | 3 . 2 . | 1 . . .
 i je te ngan Tu han a kan o loh aie.

2. Kinjap wei kasusah ayum te samai,
 tau mahenyek dan mahapit ateim te,
 sampalakim je babehat haliai,
 keleh toh manyarahe akan Tuhan wei.

3. Amon ikau mite oloh beken te,
 hapanatau ramo ain kalunen toh.
 Ingat wei : Panatau aim hong sorga te,
 palus ateim hanjak toto huang Roh.

4. Hong kasusah dan kapehem handiai,
 ela bembang tuntang helo heka toh;
 krana Tuhan puna hinje oloh aie.
 Ie mampong, mawat kea ikau toh.